

村西強之行氏罵曰賊奴速殺我甯死不踰此也遂引刀自刎後有司勒碑其地表其烈

馬氏趙知二妻同知汝驛次女也年二十二而寡撫姪守志歷五十餘年甲申之變與魯參政妻同時經死

文氏訓導魯崇謙妻賊攻城急氏率妾衛氏女瑞姐側身投井觸石墜軀死

楊氏諸生郭鞏固妻殉難儒官自發女城陷誓死其子泣勸不聽偕姪婦適張氏者墜井死

張氏趙應命妻年二十闖變所居寨破氏與姪女三進將死之賊易其幼誘之曰毋畏汝從我我能庇汝氏弗聽攜女疾投千尺崖下尸裂腦破賊驚駭而去

郭氏拔貢張治光妻子進士翰芳妻馬氏女蘭姐賊破葛伯

寨胥投黃河死

張氏楊丕振妻年十八聞城陷墜井死頭面俱裂齒牙盡折見者尤爲慘傷

劉氏趙臥龍妻譚氏趙年妻甲申之變俱墜堡死同時魯廷彥妻趙氏張所蘊妻普氏俱自縊死張遂養妻王氏張宏養妻馬氏車祖商妻鄭氏俱墜樓赴火死又文朝品妻張氏自刎死楊帝培妻郭氏張珥芳妻劉氏魯緝孔妻郭氏文登妾張氏郭繼章妻高氏劉戴明妻張氏張金錚妻車氏席國彥妻郭氏車奇際妻張氏俱投井死鄭州知州魯世任妻趙氏張金鉉妻魯氏文達妻劉氏楊蘊素妻席氏文中第妻王氏魯太史妻文氏文新命妻馬氏張金鑪妻文氏文作礪妻張氏張鵬翥妻崔氏王元佐妻車氏崔煥妻王氏張首唱妻文